



UNIVERSITÄTS-
BIBLIOTHEK
PADERBORN

**Vitæ Sanctorum Sacris per singulos anni dies
Meditationibvs illustratæ**

Paderbornæ, 1697

S. Eustachius Mart. 20. Septembris.

[urn:nbn:de:hbz:466:1-62968](#)

196 (os)

tentia, Tardè nobis displicebimus in conspectu ignis inferni,
qui interrogabit ossa, & medullas, & cogitationes nostræ.
Eus. Emiss.

S. EUSTACHIUS Mart.

20. Septembris.

*Gaudete in Domino semper, iterum
dico gaudete.*

EUSTACHIUS olim Placidus (cujus vel
nomen Romani Imperii hostes debella-
bat) dum feras sectatur, Christum inter Cer-
vi cornua conspicuum habet, domumque
nobile venationis spolium Fidem portat. Ab
eo tempore etiam Christiani Jobum suum ha-
huerunt. Nam opes & familiam eversam mi-
to. Ab exilio exordior. In hoc conjugem
impurus nauta sub oculis avehit, mox ipsos
oculos (filios geminos) illum quidem leo,
hunc lupus rapit. Jam ille tantorum nuper
exercitum Imper. pecoris fit Dictator, clas-
sicum bubus canit, dux oves præit, baculo
in lupos pugnat. Sed proditus demum à cica-
trice, ad Trajanum iterum, ad exercitum
ab aratro abducitur. Et vide mihi sis fortunæ
ludum. Merent sub illo Agapius & Theopi-
stus, quos dentibus ferarum Opiliones olim
excusserant, ipsissimi filii Eustachii; hi dum

alter

alter alteri pueritiam suam narrant, & repente fratres se mutuo salutant, audit haec è vicino mater (cujus impudicitiae Deus consuluit, impio nauta extincto) & utrumque ad Ducem rapit, petitque, filios sibi vindicet. Hic insperato Eustachius pro se pronunciat, agnitusque & uxorem & filios sibi addicit. Victor deinde Romam ingressus ipsos in Triumphum Deos dicit. Dum enim his sacrificare renuit, ad bestias cum suis damnatur, innoxius denique tauro Phalaridis includitur. In hoc mugire ipsum alii credebant, sed ille fortunam ridebat. *Ex surio.*

MEDITATIO.

Semper lætandum est.

1. **S**icut Eustachius in ipsa delectatione venationis invenerit Dominum. Lætos ac hilares servos cupit Deus, possunt illi gaudere semper, sed in Domino, invenis Dominum in ipsa lætitia, si inter gaudia subeat etiam mentem tristitia Jesu Christi. Et caye, ne voluptatibus illicitis illum rursus crucifigas. *Nunquid lætari & ridere non possumus? nisi risum nostrum, atq; lætitiam, scelus esse faciamus.* Salvian.

2. Lætare etiam in mediis afflictionibus exemplo S. Eustachii, qui hilari ac pacato animo tulit uxoris, filiorum ac bonorum omnium jacturam, quoniam haec erat voluntas Dei. Quantum levat ægritudinem haec cogitatio! quod patior, placet Deo: cedit

ejus gloriæ, cedit meæ utilitati. Gaudeo Domine, sempérque gaudebo, quod fiat in me voluntas tua. Si doloribus affectum corpus gemuerit, anima cœnac quiescit in divina voluntate tua, in eaque facienda semper gaudebit.

3. Si quas olim delicias Deus in oratione concessit, eas in præsentia denegat, id tuæ pravitati adscribe. Cave omittas solita pietatis officia, recedit Deus ut probet virtutem, vel animum tumentem deprimat. Te Domine in orationibus non consolationes quer. Quare faciem tuam avertu? gaudium per quod gaudeo? ubi es abseonditus Pulcher quem desidero. S. August.

S. MATTHÆUS Apost.

21. Septembris.

Cum transiret inde Jesus vidi hominem sedentem in telonio, Matthæum nomine. Ego ait illi: sequere me. Et surgens secutus est eum.

Matt cap. 9.

VIdit Iudæa hodie clarum inter pauca Miraculum: Camelum scilicet per Angustias Acis se penetrantem. MATTÆUS fuit, è prædivite Publicano impiger CHRISTI sectator, cuius etiam vitam literis scriptam reliquit, maximam posteris hæreditatem,